

# Vom Narr zum Ueli

Dr Narr bekannt als Spassmacher und Tor  
chunnt garantiert au in Lieschtel vor.  
In öisem Stedtli findisch ihn an allne Egge,  
er cha sich mit syym Handlä jo au nid verstekche.

Überzүүigt vo syym Handle und Due,  
lood är d'Yywooner äifach nid in Rueh.  
Gschichte gits täglich allemol  
au mit odr ooni Alkohol.

Dr Narr wie me ihn früecher het kennt,  
het d'Woored bim Name gnennt.  
Er het vill chönne brichte  
und so chöme jetzt, es baar vo syyne Gschichte:

D' Regierig wöd es guets Büdsche wahre  
und dued bromp bi eusne Schuele spaare.  
Einigi vo eus wächsle d'Schuel dorum so glyy,  
die z'Lieschtel meine nur – das isch praktischi Geografie.

Das ganzi Syschtem nennt me hüt jo Harmos,  
wär wool glaubt das isch harmlos,  
dä glaubt sicher au, dass e'Zitronefalter  
äifach nur Zitrone faltet.

Im Stedtli uf em Schulelwääg, de duesch's scho erahne,  
fehlt d'Strooss scho wider, nundefaane.  
Mit em Velo muesch d'Baustel grosszүүigig umfaare,  
und drfür hesch jetzt no mee Dräck am Chaare.

In dr Schuel aachoo, goots erst richtig loos.  
Wo de aane muesch entscheidet jo s'Los!  
Neu sy mir sächsezwanzig oder mehr innere Klass,  
dr Stoff längt aber nur für fünfezwanzig, das isch doch krass.

Die änglisch Sprooch isch eus hūte nūme fremd,  
mir sind drmit au voll im Trend.  
Doch mir finde das scho recht überdrybe,  
wo mir doch öise Baselbieter Dialäkt so liebe.

Bi öisne Eltere aber düen mir eus hārzlich bedanke,  
denn s'Sakchgāld duesch nāmmlig bi iine tanke.  
Dr Papi meint derbyy, eifach und schlank,  
bi dir isch s'Gāld sowiso sicherer als uff dr Bank.

In Lieschtel so glaub's mir doch,  
gits jetzt ä groosses Loch.  
Wenn's denn fertig isch, chasch sicher sy,  
isch mit parkiäre im Stedtli definitiv verby.

Minerā Mueter gruust's drum jetze scho,  
si gseet sich bim Bücheli im Stau inne stoo.  
Dr Papi meint glasse wie immer,  
bstell doch dini Sach via PC im Zimmer.

Wötsch aber gmäss dyynerā Lischte Gschänkchli bstelle,  
chasch leider nid uf alli Liferante zelle.  
Dä wo die im Dezāمبر söt liifere, es isch ä Gruus,  
alias Santichlaus, chund nūme zur Chistā us.

Jo, jo, d'Zytt lauft schnäller als me dānkcht.  
S'Kommittee het eus drum ä neue Cherus gschākcht.  
Jetztā chasch als Jungi Garde au wiider dōrt ahne goo,  
und muesch nūme verdutztnäbe stoh.

D'Eva und dr Muck, eusi super Instruktoore,  
haue eus d'Note ab-und-zue um d'Ohre,  
si hōöre uf, es isch verby,  
es isch e super Zytt mit ihne gsy.

Au dr Wandel goot stetig voraa,  
uf Neudütsch mues mä's hūte scho ha.  
So isch mä, vom Narr uf ä Ueli choo,  
dä duet hūte äso, au im Wiki inne stoo.

Dr Narr und Ueli nundāfaane,  
hebt eus ä Spiegel vor d'Nase aane.  
Wie's halt so isch,  
do geshsch ebā wie dä bisch!

